



Informativni list

Zakon o doseljavanju stručnog kadra

Fachkräfteeinwanderungsgesetz (FEG)

Zakon o doseljavanju stručnog kadra stupa na snagu **od 1. marta 2020. godine.**

Zakonom o doseljavanju stručnog kadra neće biti ukinute odredbe Zakona o boravku za ulazak u Njemačku u svrhu zapošljavanja, obavljanja stručnog obrazovanja i dokvalifikacije, nego će iste biti proširene i dobiće novu strukturu. Aktuelno postojeća zakonska osnova će načelno i dalje postojati. Stupanjem na snagu Zakona o doseljavanju stručnog kadra aplikantice i aplikanti koji su svoj zahtjev predali prije 01. marta 2020. godine po pravilu neće biti dovedeni u lošiji položaj.

Zakon o doseljavanju stručnog kadra ne sadržava posebno pravilo u vezi zahtjeva za vize koji su predati prije 1. marta 2020. godine i o kojima se prije tog datuma još uvijek nije odlučilo.

Zbog toga će o tim zahtjevima biti odlučivano na temelju one zakonske osnove koja bude važeća u trenutku donešenja odluke o zahtjevu.

Stupanjem na snagu Zakona o doseljavanju stručnog kadra sljedeća načela će i dalje važiti:

- **Za boravke koji traju duže od 90 dana nije moguć ulazak bez vize.**
- Potrebno je najprije **izvršiti priznavanje strane kvalifikacije u Njemačkoj**, a tek onda podnijeti zahtjev za vizu u Ambasadi.
- Postoji razlika između **stručnog kadra s kvalifikovanim stručnim obrazovanjem i nekvalifikovanih i niskokvalifikovanih radnika. Kvalifikovanim stručnim obrazovanjem se smatra ono obrazovanje koje bi u Njemačkoj iziskivalo minimalno dvogodišnje školovanje za sticanje stručnog obrazovanja.**
- **Nekvalifikovani i niskokvalifikovani radnici ne podliježu Zakonu o doseljavanju stručnog kadra.** Za njih i dalje postoji mogućnost da podnesu zahtjev za vizu prema Pravilu za zemlje Zapadnog Balkana (§ 26 stav 2 Zakona o zapošljavanju).
- Provjera uslova rada (posebno zarade) kako bi se spriječilo isplaćivanje zarade koja je niža od zakonskog minimalca.
- Za podnošenje zahtjeva za vizu treba prvenstveno koristiti **VIDEX-obrazac**, koji možete otvoriti pod sljedećim linkom: <https://videx-national.diplo.de>

Adresa:
Skenderija 3
71000 Sarajewo

**Predaja pasoša prilikom
podizanja vize:**
od ponedjeljka do četvrtka:
09:00 do 11:00 sati

Telefon:
+387 (0)33565380
E-mail:
visastelle@sarj.diplo.de

Bitne promjene u vezi Zakona o doseljavanju stručnog kadra:

- **Jedinstveni pojam za stručni kadar** koji obuhvata fakultetski obrazovan kadar i radnike s **kvalifikovanim stručnim obrazovanjem**.
- **Nekvalifikovani i niskokvalifikovani radnici** ne spadaju pod Zakon o doseljavanju stručnog kadra. Za njih i dalje postoji mogućnost da podnesu zahtjev za vizu prema Pravilu za zemlje Zapadnog Balkana (§ 26 stav 2 Zakona o zapošljavanju).
- Doseljavanje stručnog kadra iz država koje nisu članice Evropske unije više nije ograničeno na definisana deficitarna zanimanja (**ukidanje pozitivne liste njemačke Savezne agencije za rad**).
- **Zapošljavanje** na osnovu kvalifikovanog stručnog obrazovanja ili visoke školske spremne je moguće **u svim oblastima**, ukoliko postoji konkretna **ponuda za radno mjesto i priznata kvalifikacija**.
- **Ukidanje provjere prednosti kandidata iz Njemačke i zemalja EU**. Kvalifikovani stručnjaci iz Njemačke i zemalja EU više neće biti prioritarno tretirani za upražnjavanje radnih mjesta, što znači da se više neće vršiti provjera privilegovanih kandidata.
- Stručni kadar s kvalifikovanim stručnim obrazovanjem i fakultetskom diplomom može predati zahtjev **za vizu u svrhu traženja posla**, za koji je osposobljen na osnovu svoje kvalifikacije.
- Osobe koje žele da steknu kvalifikovano stručno obrazovanje u Njemačkoj i koje su mlađe od 25 godina mogu za početak podnijeti zahtjev **za vizu u svrhu traženja mjesta za stručno obrazovanje**.
- **Dokaz o poznavanju njemačkog jezika** dobija na većem značaju. Potrebni nivo poznavanja njemačkog jezika u skladu sa svrhom Vašeg boravka možete naći na odgovarajućem informativnom listu.
- Aplikanti s diplomom koja je priznata od strane njemačkih ustanova i koji imaju **45 ili više godina** moraju dokazati **minimalnu mjesečnu zaradu**. Aktuelne podatke o minimalnoj zaradi možete naći u odgovarajućim informativnim listovima na web stranici Ambasade.
- **Samo oni zahtjevi za vizu koju budu imali potpunu dokumentaciju** će biti obrađeni. Zahtjevi s nepotpunom dokumentacijom će biti odbijeni. Produženje roka u svrhu naknadnog dostavljanja dokumentacije u principu više neće biti dozvoljeno. Informacije o potrebnoj dokumentaciji za zahtjev u svrhu boravka za koji namjeravate aplicirati možete naći u odgovarajućim [informativnim listovima](#) na web stranici Njemačke ambasade (www.sarajewo.diplo.de).

Više informacija o Zakonu o doseljavanju stručne radne snage možete naći pod ovim [linkom](#).

Informativne listove i više informacija o viznom postupku možete naći pod ovim [linkom](#).

Adresa:
Skenderija 3
71000 Sarajewo

Predaja pasoša prilikom podizanja vize:
od ponedjeljka do četvrtka:
09:00 do 11:00 sati

Telefon:
+387 (0)33565380
E-mail:
visastelle@sarj.diplo.de